



საქართველოს სტატისტიკის ეროვნული სამსახური

# ინფლაცია საქართველოში 2023 სექტემბერი



# საქართველოს სტატისტიკის ეროვნული სამსახური

03.10.2023

## ინფლაცია საქართველოში, 2023 წლის სექტემბერი


2023 წლის სექტემბერში წინა თვესთან შედარებით ინფლაციის დონემ საქართველოში 0.6 პროცენტი, ხოლო წლიური ინფლაციის დონემ 0.7 პროცენტი შეადგინა.

რაც შეეხება საბაზო ინფლაციას<sup>1</sup>, აღნიშნულმა მაჩვენებელმა 2023 წლის სექტემბერში, გასული წლის შესაბამის პერიოდთან შედარებით 2.6 პროცენტი შეადგინა, ხოლო თამბაქოს გარეშე წლიური საბაზო ინფლაციის<sup>2</sup> მაჩვენებელი 2.5 პროცენტით განისაზღვრა.

ქვემოთ მოცემულ ცხრილში წარმოდგენილია სამომხმარებლო კალათაში შემავალი საქონლისა და მომსახურების ჯგუფების ფასების პროცენტული ცვლილება და შესაბამისი წვლილი ინფლაციის მთლიან მაჩვენებელში წინა თვესთან შედარებით.

### პროცენტული ცვლილება წინა თვესთან შედარებით

### ჯგუფების წვლილი\* 2023 წლის სექტემბრის ინფლაციაში (სულ 0.6%)



\* რიცხვების დამრგვალების გამო ცალკეული ჯგუფების ჯამი შესაძლოა არ უდრიდეს ინფლაციის მთლიან მაჩვენებელს.

<sup>1</sup>საბაზო ინფლაციის განგარიშება ხდება სამომხმარებლო კალათიდან შემდეგი საქონლისა და მომსახურების ჯგუფების გამორიცხვით: სურსათი და უალკოჰოლო სასმელები; ენერგომატარებლები; ადმინისტრირებადი ტარიფები; ტრანსპორტი (ცალკეული ტარიფები).

<sup>2</sup>თამბაქოს გარეშე საბაზო ინფლაციის განგარიშება ხდება სამომხმარებლო კალათიდან შემდეგი საქონლისა და მომსახურების ჯგუფების გამორიცხვით: სურსათი და უალკოჰოლო სასმელები; თამბაქო; ენერგომატარებლები; ადმინისტრირებადი ტარიფები; ტრანსპორტი (ცალკეული ტარიფები).

## საქართველოს სტატისტიკის ეროვნული სამსახური

03.10.2023

ყოველთვიური ინფლაციის მაჩვენებლის ფორმირებაზე ძირითადი გავლენა იქონია ფასების ცვლილებამ შემდეგ ჯგუფებზე:

**ტრანსპორტი:** ჯგუფში ფასები გაიზარდა 2.6 პროცენტით, რაც 0.31 პროცენტული პუნქტით აისახა მთლიან ინდექსზე. ფასები გაიზარდა პირადი სატრანსპორტო საშუალებების ექსპლუატაციაზე (4.4 პროცენტი). ამასთან, ფასები შემცირდა სატრანსპორტო მომსახურებაზე (-1.0 პროცენტი);

**განათლება:** ჯგუფში დაფიქსირდა ფასების 5.5 პროცენტიანი მატება, რაც 0.24 პროცენტული პუნქტით აისახა თვის ინფლაციაზე. ფასები გაიზარდა ქვეჯგუფებზე: საშუალო განათლება (9.3 პროცენტი), სკოლამდელი და დაწყებითი განათლება (5.9 პროცენტი) და დონით განუსაზღვრელი განათლება (4.2 პროცენტი);

**ჯანმრთელობის დაცვა:** ჯგუფში დაფიქსირდა ფასების 0.7 პროცენტიანი მატება, რაც 0.07 პროცენტული პუნქტით აისახა თვის ინფლაციაზე. ფასები, ძირითადად, გაიზარდა საავადმყოფოების მომსახურებაზე (2.5 პროცენტი).


ქვემოთ მოცემულ ცხრილში წარმოდგენილია სამომხმარებლო კალათაში შემავალი საქონლისა და მომსახურების ჯგუფების ფასების პროცენტული ცვლილება და შესაბამისი წვლილი 2023 წლის სექტემბრის წლიური ინფლაციის მთლიან მაჩვენებელში.

# საქართველოს სტატისტიკის ეროვნული სამსახური

03.10.2023

**პროცენტული ცვლილება წინა წლის შესაბამის თვესთან შედარებით**

**ჯგუფების წვლილი\* 2023 წლის სექტემბრის ინფლაციაში წინა წლის შესაბამის თვესთან შედარებით, (სულ 0.7%)**



**ინფლაციის დონა, სულ**

**0.7**

\* რიცხვების დამრგვალების გამო ცალკეული ჯგუფების ჯამი შესაძლოა არ უდრიდეს ინფლაციის მთლიან მაჩვენებელს.

წლიური ინფლაციის ფორმირებაზე ძირითადი გავლენა იქონია ფასების ცვლილებამ შემდეგ ჯგუფებზე:

**საცხოვრებელი, წყალი, ელ.ენერგია, აირი:** ჯგუფში ფასები მომატებულია 5.1 პროცენტით. შესაბამისად, ჯგუფის წვლილმა წლიურ ინფლაციაში 0.54 პროცენტული პუნქტი შეადგინა. ფასები გაიზარდა ქვეჯგუფებზე: საცხოვრებლის მიმდინარე მოვლა და შეკეთება (11.7 პროცენტი), ფაქტიური გადასახადი საცხოვრებელზე (11.4 პროცენტი);

**სხვადასხვა საქონელი და მომსახურება:** ჯგუფში ფასები გაიზარდა 10.0 პროცენტით, რაც 0.53 პროცენტული პუნქტით აისახა წლიურ ინდექსზე. ფასები, უმეტესწილად, მომატებულია ქვეჯგუფებზე: საფინანსო მომსახურება (27.9 პროცენტი) და პირადი ჰიგიენა (5.7 პროცენტი);

**ალკოჰოლური სასმელები, თამბაქოს ჯგუფში** ფასები გაიზარდა 5.6 პროცენტით, რაც 0.38 პროცენტული პუნქტით აისახა მთლიან ინდექსზე. ფასები მომატებულია როგორც ალკოჰოლური სასმელების (6.0 პროცენტი), ისე თამბაქოს ნაწარმის (5.3 პროცენტი) ქვეჯგუფებზე;

**ჯანმრთელობის დაცვის ჯგუფში** დაფიქსირდა ფასების 4.7 პროცენტით კლება, რაც -0.47 პროცენტული პუნქტით აისახა წლიურ ინდექსზე. ფასები შემცირდა სამედიცინო პროდუქციის,


## საქართველოს სტატისტიკის ეროვნული სამსახური

03.10.2023

აპარატურისა და მოწყობილობის ქვეჯგუფზე (-14.1 პროცენტი). ამასთან, ფასები გაიზარდა ამბულატორიულ სამედიცინო მომსახურებაზე (11.7 პროცენტი) და საავადმყოფოების მომსახურებაზე (8.9 პროცენტი);

**ტრანსპორტი:** ჯგუფში ფასები შემცირდა 4.3 პროცენტით, რაც -0.47 პროცენტული პუნქტით აისახა მთლიან ინდექსზე. ფასები შემცირებულია პირადი სატრანსპორტო საშუალებების ექსპლუატაციაზე (-8.0 პროცენტი). ამასთან, ფასები გაზრდილია სატრანსპორტო მომსახურებაზე (3.5 პროცენტი) და სატრანსპორტო საშუალებების შეძენაზე (1.8 პროცენტი).


### ყოველთვიური ინფლაცია



## საქართველოს სტატისტიკის ეროვნული სამსახური


03.10.2023

### წლიური ინფლაციის დონე საქართველოში (წინა წლის შესაბამის თვესთან, პროცენტული ცვლილება)



### საშუალო ინფლაციის დონე საქართველოში

(12 თვის საშუალო წინა 12 თვის საშუალოსთან, პროცენტული ცვლილება)



#### საკონტაქტო პირები:

გიორგი თეთრაული  
ტელ.: (+995 32) 236 72 10 (400)  
E-mail: [gtetrauli@geostat.ge](mailto:gtetrauli@geostat.ge)

მარიამ ყაველაშვილი  
ტელ.: (+995 32) 236 72 10 (020).  
E-mail: [mkavelashvili@geostat.ge](mailto:mkavelashvili@geostat.ge)